



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

II. Post excisum regnum Gotthorum, prima Francorum synodus fuit
Aurelatensis. Ad ejus formam celebrata sunt cetera Galliæ Concilia.
Quinam Episcopi ad eam convenerint.

urn:nbn:de:hbz:466:1-15617

referri potest earum quæ pendebant à metropolibus supra memoratis) fuisse ex Hispanis, & Palentio nimirum, sive Palentia, quæ civitas erat episcopal in provincia Cartaginensi, qui cum forte Tolosæ degeret in comitatu Alarici, Synodo Agathensi potuit interesse.

Synodus Epaonensis, itemque Lugdunensis, habita fuerunt anno D X V I I , ab Episcopis regni Burgundionum, quibus nulli regni Francorum Episcopi adfuerere.

I. Quod attinet ad Episcopos qui Francorum dominationi parebant, prima eorum synodus fuit Aurelianensis prima, quæ ex præcepto Clodovei Regis habita est, post excisum regnum Vvisigothorum adiectaque imperio Francico quatuor metropoles ex iis quas Alaricus obtinebat. Turonensem videlicet, Bituricensem, Burdegalensem, & Elusanam sive Novempopulananam. At Narbonensis, excepta civitate Tolosana, remansit sub ditione Regum Gotthorum in Hispania; Arelatenfis verò, Theodorico Regi Italæ cessit. Consideranda autem est in primis diligenter auctoritas hujus Concilij, quod paulò post habitum est quam Clodoveus Christianam religionem suscepisset; quoniam ad illius formam cetera Galliæ Concilia celebrata sunt, tam in prima Regum nostrorum dynastia, quam in secunda.

Igitur Concilium habitum fuit anno D XI . in civitate Aurelianensi ab Episcopis provinciarum Galliæ quæ Regi Clodoveo parabant. Nam præter Metropolitanum Turonensem, Bituricensem, Burdegalensem, & Elusanum, ac quamplurimos Episcopose earum provinciarum quæ recens imperio Clodovei adiectæ erant, convenere etiam Metropolitanus Rothomagensis & quamplurimi Episcopi provinciarum Senonensis & Remensis. Treverensis tamen, Moguntinus, & Colonensis non adfuerere; nisi fortassis hac in parte laborent subscriptiones Episcoporum.

III. Quoniam verò conventus ille coactus erat ex septem provinciis, id quoque extraordinarius erat, necessarium fuit ut à Rege convocaretur. Atque id eò magis obtainere debuit quod nullus Exarchus aut primus Metropolitanus esset in regno; cum Arelatenfis, cui ea sollicitudo olim delegata fuerat ab Hilario Papa, Regum Italæ dominationi subjectus esset; qui angulum illum Galliæ in regno Italæ annumerabant, velut provinciam particularem, ita ut Gallia provincia dicereatur; quemadmodum apud Gothos Hispanos provincia Narbonensis vocabatur *provincia Gallia*.

Tom. II.

Sanè præfatio Concilij Aurelianensis docet illud à Clodoveo Rege convocatum esse. quod in primis quærebamus.

IV. Post obitum Clodovei, regnum ejus divisum est in tetrarchias, ita tamen ut unusquisque liberorum ejus retinuerit nomen Regis Francorum. Portiones autem eorum distinguebantur ex nomine Regis, exempli causa regnum Childeberti, vel Clotarii; ut patet ex epistolis à Vigilio Papa scriptis ad Episcopos sub regno Childeberti Regis per Gallias constitutos. Vetus Chronicon Marij, uniuscujusque portionis tractum Marcham nuncupat, ut Marcham Childeberti. Id verò sortem nominat Concilium Arvernense habitum anno D XXXVII. in epistola ad Regem Theodebertum scripta; qua eum Episcopi rogant ne Clerici aut laici qui sub unius Regum imperio habitant, facultates amittant quæ ipsis competunt in sorte alterius Regis: *Ne dum unius Regis quisque potestati ac dominio subjacet, in alterius sorte possum amitteret facultatem.*

V. Quoniam verò quilibet Regum iuria regni sui conservare studebat, hinc factum est ut Concilia quæ tunc temporis habita sunt, diverse composita sint. Quippe interdum ad ea conveniebant Episcopi ex provinciis omnium regnum. Verum id ex Regum consensu fiebat; quemadmodum Synodus Sardicensis, quæ ex Episcopis Orientis & Occidentis constabat, convocata fuit literis Imperatorum Constantij & Constantis, qui fratres erant. Aliquando verò Concilia ex iis tantum Episcopis constabant qui in ejus Regis imperio habitabant à quo evocabantur. cujusmodi sunt omnia ferè Concilia Gallicana. Ad hoc autem ut ea rata essent, necessarium non erat ut eis Episcopi ex omnibus Gallia provinciis interessent. Nam canon primus Concilij tertij Aurelianensis, quo rejiciuntur excusationes Episcoporum qui eo prætextu absunt à synodo quod in alterius Principis sorte seu divisione consistant, intelligendus est de synodo uniuscujusque Metropolitani, id est, provinciali, non autem de Synodo nationali, ut constat ex verbis canonis.

VI. Concilium Aurelianense secundum congregatum fuit iussu Childeberti ejusque fratribus anno D XXXVII. quemadmodum synodus ipsa fatetur in præfatione: *Cum ex præceptione glorioſissimorum Regum in Aurelianensem urbem, de observatione legis catholicæ tractaturi, Deo auxiliante convenimus. Vnde patet patres illius synodi agnoscere inesse Regi auctoritatem pro convectione synodi. At sequentia Concilia eam*

Hh

Concil. Aurelian. can. 1. *Quid tamen ex hisce excusationibz sibi uarerint esse fabulatum, si absentiam suam divisa sunt fortis crediderint excusandam.*